

溫公文集

第一
卷
十
冊

司馬溫公文集卷一

山右督學使吳時亮元亮甫發刻



平陽府知府劉餘祐

平陽府推官白楹

夏縣知縣王彥葵仝發刻

平陽府教授譚文化仝訂

制詔

殿前都指揮使節度使加宣徽南院使制

限二百字

以上成

國家選果毅之材以守衛中禁委謹信之士以敷揚

大猷自非忠力冠倫識畧高世折衝厭難

厭者壓也
鎮壓寇難

使之銷

靡也

外可以任牙爪之官諭志布和內可以受腹

心之寄則何以克叶民望無曠天工在茲詳求固匪

輕授爰發休命誕告明庭具官某心通武經材應時

用以禮樂慈愛爲制勝之本以智信仁勇爲和衆之

資羞孫吳而不爲慕方召而自任疑爾深念則物莫

能窺截然長驅則敵不及避是以錫之六纛總此八

屯士皆知方國以增重嘉其扈從之久積是勤勞之

多宜峻寵名以昭丕績俾奉宣於美德庶敦懋於庸

公

功同

永念厥艱必有以稱於戲竭股肱之效所以報

恩榮罄夙夜之勤所以熙職業典聽朕必無棄爾成

翰林學士禮部侍郎除三司使制

限一百五十
字以上成

朕荷天地之貺施承祖宗之慶靈四方無虞萬物咸
遂而公私之積尚未豐衍歲小不登民有菜色豈朕

所以嫗煦撫循之未至將有司奉揚宣布之未稱與
何其設心之勤而收效之寡也以爾具官某性質之
美得於自然而發揮於文追琢於學多士之秀無爾

爲先雖禁林清塗秩宗美仕居之積久譽望已優而
古之進賢必試以事財賦之任於今爲急求稱其職
僉曰汝能是用命汝典茲邦計汝其勿以金穀爲末
而不恤勿以簿領爲煩而不爲九功所歌八政所重
登平之業將汝乎取之

誠勵舉人敦修行檢詔

限二百字
以上成

孔子稱德成而上藝成而下故爲四科以第門人而
文學處末然則爲士者文有餘而德不足斯而已矣
奚足尚哉國家憲章前古詳延俊乂敷奏以言明試

以功何嘗不勤求敦忠屏斥浮僞列于庶位得人已
多尚慮有司教導之方不皆盡善登進之法有所未
精是以士或背本追末棄實取華不知從學所以立
身爲文所以行遠而謂能摘章辨句則百行可遺非
屬辭比事則六經無用習尚成俗安恬不非此豈聖
人所以立教之心而朕所以待賢之志哉自今天下
之士其務以道德爲師仁義爲友進之於內而讓之
於外治之於身而施之於人才雖美不敢以自驕善
未至不敢以自待如是則窮居閭閻何病乎不達苟

異於是朕無取焉仍勅有司明諭中外使咸稱朕意

賜宰臣韓琦乞退第一表不允批答

朕以寡薄少承基緒未及究明師保之訓更閱事物
之變而遽失先帝之大庇膺四海之重任怵惕危懼
若涉巨川踐于春冰顧耆耄不二心之臣朝夕左右
同力協義用濟于艱難夫選賢任能廣叅同異何損
於政設官分職論列得失亦維其常至於天時數沴
音利水蓋以警誨朕躬非專輔弼而卿遽自咎責抗
不利也章辭位是重朕之不德也卿其體茲眷倚之志專精

致思廣裕厥心博采嘉謨以輔不逮

賜新除知樞密院事陳升之辭免恩命不允斷

來章詔

勅升之省所奏劄子今樞密院使副四員無容其間
更置一知院事旣非舊典驟增員數當無事時四方
聞之得無驚動耳目伏望聖慈如臣前所請若大名
府永興軍已除用人卽且乞授臣陳頴一郡事具悉
卿志氣安裕明智自將屢更邊藩嘗佐樞府出牧於
外迨今暮年朕惟汝思俾復舊職宜夙夜竭力以副

所期尚爾固辭殊失朕意夫登用賢雋憂在不多咨
詢大猷患在不博設官隨世何必故常今邊境雖安
而不虞當戒亟踐乃位母違朕言所乞宜不允仍斷
來奏故茲詔示想宜知悉

賜資政殿大學士戶部侍郎知青州吳奎乞就

差知兗州不允詔

勅吳奎省所奏乞就差知兗州貴便願養事具悉卿
朝廷舊臣踐歷二府忠厚疆直藺在朕心海岱之區
土沃民庶風聲氣俗卿所習知雖宿疾未平而事務

無廢式是重望底綏一方當體至懷未容辭避所乞
宜不允

賜文武百寮曾公亮以下上第三表之上尊號
不允斷來請批答

省表具之朕荷祖宗之重寄元元困窮未獲厥所夙
夜悼懼如涉春冰屬以報本之禮不敢墮曠故躬執
犧牲祇見上帝固非昭告成功自營福祿也而群公
卿士猥見褒譽欲歸以溢美增其徽稱抗章勤請至
于再三朕乏馨香之德不能媚于神祇乃甲申地震

滛雨爲災天威彰著日虞罪悔尚何盛烈之可述鴻
名之敢當心焉愧惕流汗霑足况尙在諒闇哀素未
忘何宜此時亟舉盛典若斯之議非所敢聞宜體予
至誠勿復爲奏所請宜不允仍斷來請

賜新除知樞密院事陳升之上第一表辭恩命
不允斷來章批答

省表具之股肱之臣佐佑帝室樞機之職訏謨廟堂
自非僉諧曷敢輕授卿歷事三世克肩一心事效已
明時望攸屬膺茲圖任夫復何辭所辭宜不允仍斷

來章

賜宰臣曾公亮不允批答

省表具之朕以不德災及元元地震冀方隄防橫潰
流離壓覆靡所底居朕夙夜震懼不忘于心實賴祖
考所遺耆舊之臣佐佑輔翼濟于艱難今乃遽自引
咎抗章辭位朕何望焉卿其專精致思勉修職業以
禪不逮所請宜不允

賜觀文殿學士新除兵部尚書知青州歐陽修

詔

勅歐陽修省所劄子奏准樞密院遞到誥勅授臣兵
部尚書依前觀文殿學士知青州伏念臣近以疾病
累乞致仕未賜俞允欲望且守舊任冀得將理衰殘
鄉服采三朝佐佑大政朕惟東表之地事任至重自
非宗工莫可付委兇旅力未衰嘉猷克壯宜念王事
勿復有辭所乞宜不允可便受告勅發赴本任

除文彥博

門下雖天子必有尊所以嚴事上之訓唯聖人能饗
帝所以昭報本之誠朕祇紹丕基肇稱元祀禮文既

備慶賜誕敷春惟心膺之臣幹是機衡之任共膺神
貺宜處衆先推忠協謀崇仁同德贊治守正保運亮
節佐理翊戴功臣樞密使劍南西川節度管内觀察
處置橋道等使開府儀同三司守司空檢校太師兼
侍中兼群牧制置使行成都尹上柱國潞國公食邑
一萬六千二百戶食實封六千三百戶文彥博道茂
國華才推人傑體忠厚以居德壯謀猷而奮庸弼亮
三輔周旋二紀再司魁柄仍冠中書仗鉞臨戎則兇
渠折首秉鈞調化則黎獻承風内外荐更望實彌劭

矧在纂承之際親聞顧託之言委寄至隆眷注爲重
協贊盛儀之舉克臻熙事之成是用進美號以褒功
取閒田而增邑併伸異數式示優恩旒戲慮危旒安
所以綏萬國懷遠以義所以靖四夷益懋乃官用副
朕志可特授依前守司空檢校太師兼侍中兼群牧
制置使行成都尹潞國公充樞密使劍南西川節度
管内觀察處置橋道等使加食邑一千戶食實封四
百戶仍賜推忠協謀崇仁同德贊治守正保運亮節
佐理翊戴功臣散官勳如故施行

除皇弟頤

門下立愛惟親治由近始罔心則友化自上行朕合
太宮逆釐后帝百神受職四海推恩矧孝弟之至隆
宜寵章之光被皇弟山南西道節度管内觀察處置
橋道等使光祿大夫檢校太尉同中書門下平章事
興元尹上柱國高密郡王食邑一千七百戶食實封
六百戶顧溫良異稟聰達夙成勝衣形信厚之風佩
韞音設負老成之志孝友之性不强而安德義之經
未言而喻甫當就學亦旣䟽封予所撫憐同氣異息

迨盛儀之具舉方渙澤之誕敷錫嘉號以記功進崇
階而叙位仍加井賦益重藩維於戲寵而不驕以謙
恭爲之本滿而不溢以節儉爲之先汝其念哉無替
朕命可特授特進依前檢校太尉同中書門下平章
事興元尹高密郡王元山南西道節度管内觀察處
置橋道等使加食邑七百戶仍賜崇仁保運功臣勳
食實封如故王者施行

除皇伯祖承顯

門下朕惇宗盛禮祇厥先猷茂對三靈駿奔億醜

類也